

اُششِنا

نومبر ۲۶

بچنبه

۱۲ مارچ ۱۳۲۴

الكلامق وتنظيم ايلكم اوزره ابراهيم پاشانك نژدينه اعزام قلندى . نهايت سوريه ولايتى ايله اطنه اياتى مائس استدارلنده صدور ايدن ايكي خط شريف ايله چارناچار محمد عليك عهده سنه توجيه ايدلدى .

ابراهيم پاشا آلتى يدى هفته صوكره عسكرى آله رقى پدرينه ترك ايديلن ولايات حدودينه چكلى . ۱۰ تموزدن اعتباراً ارتق وجودينه قطعياً لزوم قالميان روسيه حكومتى عسكر و دو تنمافى منتظماً كيرى آلدى . روس عسكرينك بويله كمال سولتله كبرى چاغرلسنك اسبابى برقاج كون صوكره تظاهر ايتدى . چارك معتمدلرندن «اورلوف» نام ذات سلطان محمود ايله خنكار اسكله سى معاهده نامه سى تنظيمه موفق اولمشدى . ارتق بومعاهده دولت عثمانيه يى روسيه دولته همان همان الحاق ايدىيور ديمكى . اشبو مقاوله احكامنجه دولتين پيننده تدافى و تجاوزى بومعاهده اتفاقيه عقد ايدلش سكر سنه مدتله جارى اوله جنى متقابلاً تكفل و تمهد قلنمشدى .

سعاد مختار

ايريز

خالصى دكل براز باقر ياخود كموش ايله قاريشيق اولانى بيله انسانلاراره سنده معزز و محترم بولان و دنياده هم واسطه خير هم وسيله شر اولان دونك خالصنه لسان عريده ايريز ياخود ايريزى دنيلمكده اولديغى قاموس مترجمى عاصم افندى مرحوم «اوقيانوس» نده :

«الابريز همزه مك كسريله الابريزى مبالغه ياي نمبتله خالص التونه دينوركه غش اثرى اوليه . يقال ذهب ايريز و ايريزى اى خالص . جلد ثانى صفحه ۱۶۰» صورنده ثبت وقيد ايتمشدر .

لسان يونانى قديمده «obryzon» اووريزون و روماليلرك لسانى اولان لاتينجه ده «اوبريزوم» obryzum ياخود «اوبريزانوم» obryzium صورنده عين معناده مستعمل بولنان بوكله مصر قديم لسانندن مأخوذ ايش من القديم

التون كعوش مسكوكاتك عيارينه دولتر جه اهتمام ايديله كلديكندن روما ايمپراطورلى زماننده قسطنطين (قسطنطينوپوليس) — وسار دارالضربى بولنان بلادده — ميدان نداوله وضع اولنان التون ياره لرده قسطنطينيه رمز اوله رق CON و COM حرفلى و ضربخانه لى بولنش اولان رو Trèves سلايك Thessalonique و انطاكيه Antioche و سارّه بلاد دلالت ايتك اوزرده TR, TES, AN حرفلى و سار حرفات ياننده ياره لك عيارى تام اولوب خالص و سكه حسنه اولديغه دلالت ايتك اوزرده ابرز معناسنه « ابريزوم » ياخود اوبريزانوم كله سنه رمز اوله رق دخی OB حرفلى كورمكده در .

روما ايمپراطورلى زماننده ضربخانه سى بولنان سيرميوم Sirmium شهر قديمك بولوندينى موقعه قريب اولان و بكرش موزه سنده محافظه ايديلن التوندن معمول حليانك كشف اولوندينى يتروسا Petrossa شهرينك كان اولدينى « بودزا » Bodza واديسنده و « اردل » Transylvanie هارومسزهره Haromszeker قوتنه سنده بيك سكر يوز سكران يدى سنه سى ايلولنده بولنان مسكوكات ضرب ايدلك اوزره حاضر لانتش التون چيوقلرك اوزرلرنده كى تمغالرده اوبريزومك ايلك حرفلى اولان OBR حرفلى بولونمقده در .

روما ايمپراطورلرندن اوچ يوز التمش درت تاريخندن اوچ يوز التمش بش تاريخ ميلاديسنه قدر حكران اولان ايمپراطور برنجى « والانتينيانوس » ك Valentiniens التون سكه لرنده CONOB حرفلى ايلك دفعه اوله رق كورومكده در .

بالاخره بيزانتين ايمپراطورلينك التون سكه لرنده ده كاه CONOB كاه COMOB بعضاده KONOB شكلده اوله رق سكر يوز يكرمى تاريخ ميلاديسنه قدر دوام ايتمده در .

« انطاكيه » ده و « آكيلاه » ده ينه برنجى « والانتينيانوس » ك كسديرمش اولدينى التون ياره لرده ANOB و AQOB حرفلى كوروليور .

روماده و آكيلاهده و روما ايمپراطورلى زماننده دارالضربلى بولنان ديكر

بالادده کسلمش اولان مسکوکاتده CONOB حرفلری دارالضربك رمزى اولان حرفلره برابر یازلمش اولدیغی بعض مسکوکاتده رونمادر مرور زمان ایله OB حرفلری عیارلری پك دون التونلرده وکوش وحق باقر (طونج) پاره لرده بیله یازلمق صورتیله معنای اصلیسنى غائب ایتشد .

ابرزه دلالت ایدن OB حرفلرینك معنای حقیقیسنی تعیین ایدن آوستریا ارباب فنونندن «م. ه. ویلرس» M. H. Willers نام ذاتدر .

اولجه OB حرفلری یتش ایکی عددینه دلالت ایتدیگی وبوده تام یتش ایکی التون سکه بر «لیورا» وزننده بولندیغندن ایلرو کلدیگی ادعا اولونمش ایسهده مسکوکات مذکورهك نصفیه وثلثیه سندهده OB حرفلری کورولمکده اولدیغندن بوفکر مجروحدر .

مسکوکات قدیمه اسلامیهده ابریز تعبیری استعمال اولوندیغندن بختله OB حرفلرینك یتش ایکیه دلالت ایتدیگی اثبات ایدنلردن بری ده فرانسه کتبخانه ملیسنده محفوظ مسکوکات قدیمه اسلامیهك قتالوغارینی تألیف ایدن «هانری لاووا» Henri Lavoix در .

شاعر مشهور قنینك ممدوحی آل حمید اندن سیف الدولهك برادری ناصر الدولهك ابریزه نامیله التون کسیدردیگی ابن اثیر شویله یازیور: «ناصرالدوله بن حمدان اوج یوز اوتوز سنه سنده بغداده عودت ایله دیکنده دینارلرك عیارینی تدقیق ایدهرك ناقص العیار بولدیغندن اصلاحی امر ایله دی ابریزه نامیله التون ضرب ایتدیردیله عیاری دیکرلرینککندن یوکسك ایدی . اسکی دینارلر اون درهم ایکن بویکی التونلر اون اوج درهم ساتلیدی». [الكامل جزء ۸ صحیفه ۱۲۵] موزة هایونده موجود ومدينة السلام (یعنی بغداد)ده مضروب اوج یوز اوتوز بر تاریخی ناصرالدوله التونك ظهیرینك زیرنده «ابرز» کلمسی محردر . [موزة هایون مسکوکات قدیمه اسلامیه قتالوغی صحیفه ۳۲۵ و ۳۲۶ غالب بك] . یقین زمانه قدر اوروپاده التونك عیارینی ارانه ایچون عربجه قیراطدن مأخوذ قاراط Carat لفظی قوللانیلور قیراطده رومی الاصل برکلهدر $\chi\rho\rho\alpha\lambda\iota\omicron\nu$ خالص

التون یکر می درت قیراط یعنی عیارده در عثمانی التونی یکر ابکی عیارده در یعنی یکر می درت قسمده یکر می ابکی قسمی خالص التون و ابکی قسمی باقر یا خود کموشدر. شمدی اور و پاده قیراط اصولی رینه اصول اعشاری قبول اولمشدر. فرانسه نك یکر می فرانقل التونلری بیکده طقوز یوز عیارنده در اصول اعشاری حسابیه عثمانی التونی بیکده طقوز یوز اون الی اولوب التمش الی کسری ده واردر . تحلیل نتیجه بنده مسکوکات عتیقه دن اولان داریق darique قسمیه ایدیان التونلرک عیاری یکر می اوج قیراطدن قضیه یا خود بیکده طقوز یتمش اولدینی تبین ایدیکی کی دیگر مسکوکات عتیقه ده بوکا قریبدر .

روما امپراطور لرندن اوکوست دورندن و سپاسیانوس زمانه قدر روما التونلرینک عیاری بیکده طقوز یوز طقسان سکر ایله طقوز یوز طقسان بر ارسنده در ده صوکره لری حد وسط طقوز یوز سکسان اولمشدر OB حرفلری بولونان التونلرده طقوز یوز سکسان عیارنده در . خالص التون پک یوموشاق اولدیغندن مسکوکات اعمالی ایچون بر مقدار باقر یا خود کموش علاوه ایله یرک سرتلشدیریلور .

احمد توحید

تربیه مسئله‌سی

۲

عصر حاضرده تربیه عالمه ده طوغروسی چوجوغک تربیه‌سی شو اوج نقطه نظر دن تعقیب ایدیلیور : «نکری ، اخلاق و جسمانی». بوتقسیمه نظرآ بونلرک یکدیگرندن تفریقی قابلدن ظن ایدلمسون ؛ بالعکس بونلر یکدیگرینه او درجه مربوطدرکه برینک نقصانی دیگرینک عدم مکملیتنه سبب اولور . مکمل بر تربیه ، هیئت مجموعه‌سی آراسنده آهنگ تام حصولیه میسر در .

تربیه فکریه — بر حیوان و با بر فدائی تشدیره بیلمک ایچون اوصاف و خواصی